

Powšitkowne WOZJEWJENJA

njedźelu, 1. oktobra 2017

Mandźelski seminar

Přizjewjenja za přihot na sakrament mandželstwa wot pjatka, do soboty, 1. do 2. decembra, w Smochćicach přijimuju so pisomnje hač do srjedy, 8. nowembra, w Dekanatnym dušepastyrstweje we Worklecach. Formulary k tomu su w cyrkwjach wupołożene.

Eksercicije za Serbow

„Póšli swojeho Ducha a wobnowiš wobličo zemje... A tež mje!“ Pod tutym hesłom su tež lětsa zaso eksercicije za Serbow w Drježdźanach Wysokich Dubach, wot pjatka, 3. nowembra, wječora hač do njedźele, 5. nowembra, připołdnju. Wšitcy wěriwi ze serbskich wosadow su přeprošeni, so na tutych dnjach wobdźelić. Přizjewjenja přijimuju so direktnje w Haus HohenEichen Exerzitienhaus, Dresdner Str. 73, 01326 Dresden, info@haus-hoheneichen.de, telefonowe čisło (03 51) 2 61 64 10 abo w Chrósćicach na farje pod telefonowym čislom (03 57 96) 8 04 00.

Wodźenje po Krabatowej wustajeńcy

Zjawne wodźenje z Hans-Jürgenom Schröterom, hłownym biografom Johanna von Schadowitza, po wosebitej wustajeńcy wo Krabaće budže srjedu, 4. oktobra, we 18 hodź. w Budyskim Serbskim muzeju. Jedyn z najdrohotnišich eksponatow móža zajimcy na tutym wječoru w originalu widzieć. Je to akwarel „Nastup wójska sakskeho kurwjercha Johanna Georga I. před Budyšinom 1620“.

Wodźenju přizamknje so w 19 hodź. přednošk „Aus dem Leben des Johann von Schadowitz. Krabat der Oberlausitz.“, kotryž změje tohorunja Hans-Jürgen Schröter. Wón je so wjace hač džesać lět ze žiwjenjom von Schadowitza zaběrał a je dokładnje přeslědźił. Tež wšelake wažne dokumenty je wo nim namakał.

W Kulowje budže Gospelowy workshop

Wšitcy, kotřiž rady spěwaja a kotrychž gospele zahorja, su pjatk a sobotu, 27. a 28. oktobra, do stareho dwórnišća w Kulowje přeprošeni. Cyrkwinskaj hudźbnikaj Carmen a Friedemann Wutzler z Weinböhly chcetaj tež druhich ze swojej zahoritosću za gospelowu hudźbu natyknýc a někotre twórby nazwučować. Tute twórby maja sobotu, 28. oktobra, we 18 hodź. na hudźbnym gospelowym nyšporje w Kulowskej cyrkwi zaklinčeć. Swójski přinošk za dorosćenych wučinja 35 eurow, za šulerjow a studentow 10 eurow. Přizjewić móža so zajimcy hač do njedźele, 22. oktobra, z mailku na carmen.wutzler@gmx.de. Štóż ma prašenja, njech zazwoni na Jenny Pohl w Kulowje pod telefonowym čislom (03 57 25) 9 25 41.